



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 11. Nova dissensionis ansa Papam inter & Neapolitanum Regem.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

gavit : Offerebantur equidem postea Sæc. XVIII.
 aliæ prorsus diversæ conciliationis le- A. C. 1737.
 ges, res tamen hoc anno nullo modo
 ad exitum deduci potuit. Cum ergo
 Rex in pervigilio SS. Apostolorum nec
 pro Regno Neapolitano nec pro Duca-
 tibus Parmensi & Placentino debitum
 clientelare tributum penderet, Apo-
 stolicæ Cameræ Commissarius nomine
 Lane solemnem interposuit protestatio-
 nem, quam tamen vicissim Orator
 Neapolitanus opposita protestatione
 elusit.

§. XI.

*Nova dissensionis ansa Papam inter
 & Neapolitanum Regem.*

Auxerat conciliationis difficultatem
 casus omnino inexpectatus : Res
 ita contigit. Mense Augusto Bussius
 Eques duas triemes Pontificias, qui-
 bus Dux Strozzius cum Coniuge sua
 vehebatur, ad Ænariam Insulam pro-
 movit, ac continuata demum naviga-
 tione prope Insulam Foveam defixis
 anchoris substitit, inde vero quosdam
 cymba vectos emisit annonam coemp-
 turos. Inciderat ea in Neapolitanam
 navim Sbirris instructam, quæ prohi-
 bitarum mercium propolas insectatu-

Sæc. XVIII. ra excurrerat; At ubi id animadvertent
 A. C. 1737. rant Pontificii milites cymbæ imposi-
 ti ut Neapolitanos declinarent, ad Bussii triremes confugerunt, illico autem
 Neapolitani pyrio pulvere fartas portatiles fistulas in Papæ triremes exonerant. Nec segnius Pontificii vicin-
 rependunt, & laxatis sclopis quosdam Sbirros trucidant, ne vero concursus mutuusque fieret insultus, Bussius versus Pontiam Insulam iter suum prolequebatur. Altera mox die jam duæ Neapolitanæ naves remis propulsæ, connitentibus indefesso lacertorum motu servitiis jussu Regis triremes Pontificias insequuntur, quæ tamen in Arzium portum jamjam appulsæ, dissipatis pleno sinu velis innoxie Urbem veterem attigere. Ea res Neapolitanæ Aulæ Ministros male habuit, ac confestim in mandatis datum, ut omnes passim Pontificiæ naves, quascunque casus & fors in manus daret, hostiliter invasas opprimerentur: Hæc ubi nuntiata fuissent Pontifici, in totam successus seriem, causamque exacte inquire jussit, & haustam inde rei gestæ notitiam Neapolin transmisit, irritum tamen prorsus conatu, quamvis enim Cardinalis Spinellius nil intentatum relinqueret, ut expositæ rationes æquis auribus a Neapolitanis exciperentur.

rentur, eorum tamen mentes lethifera Sæc. XVIII.
 averfione fauciatas, ac pertinaciter in- A. C. 1737.
 vitas, nec verba officiofa, nec graves
 rationes hoc anno mollire ac fanare
 poterant.

§. XII.

*Concordia Papam inter & Lusitanicæ
 Regem restituta.*

Eodem quoque tempore actum est cum
 Joanne Lusitanicæ Rege, ut si quo
 tandem modo Hic ad pristinam concor-
 diam revocari posset: Erat illa quidem
 non mediocris difficultatis postulatio,
 cui Rex immote institit, scilicet, ut
 omnes qui Ulyssiponenses designati fuis-
 sent Patriarchæ, perpetuo jure, ac sine
 mora in Purpuratorum Collegium co-
 optarentur: Obluctabatur huic petiti-
 oni nimium duræ, quantum posset,
 Pontifex: de Rege etiam ut quicquam
 remitteret, adeo sperari non poterat,
 ut etiam Roma excedere, suis subditis
 præciperet: Tum vero Clemens veri-
 tus, ne ulteriori repulsa, Regis ani-
 mum magis a se alienaret, Patrem
 Evoram tum Lusitanicæ Aulæ Oratorem
 Romæ agentem eo inclinare studuit,
 ut habita cum selectis Cardinalibus con-
 sultatione hanc rem ad exitum dedu-
 ci

oi